

PEKELILING NAIB CANSOLOR

Bilangan 03 Tahun 2021

PEKELILING PELAKSANAAN PROSES PENDAFTARAN DAN VALIDASI PENERBITAN DI DALAM SISTEM PENERBITAN UNIVERSITI TEKNOLOGI MARA

1.0 TUJUAN

Pekeliling ini bertujuan memaklumkan kepada semua staf Universiti Teknologi MARA (UiTM) dan pihak yang berkepentingan mengenai proses kerja di dalam sistem penerbitan UiTM. Ia adalah sebagai medium pendaftaran dan validasi penerbitan untuk penyediaan Laporan Nilain Prestasi Tahunan (LNPT) dan kenaikan pangkat staf UiTM.

2.0 LATAR BELAKANG

- 2.1 Sistem penerbitan UiTM merupakan sistem dalam talian yang diguna pakai bagi mendaftarkan semua penerbitan yang dihasilkan oleh staf UiTM.
- 2.2 Penerbitan ini perlu disemak dan disahkan oleh pihak Perpustakaan Tun Abdul Razak (PTAR) UiTM bagi tujuan perekodan.
- 2.3 Ia menjadi sumber rasmi rekod penerbitan bagi semua sistem dalaman UiTM seperti MyATP, HR2U dan lain-lain.
- 2.4 Ia juga sumber rujukan utama pelaporan rasmi data penerbitan UiTM bagi keperluan penarafan seperti MyRA, MyMOHES, SETARA dan MASTIC.
- 2.5 Dalam konteks pekeling ini, terma "penerbitan" hendaklah merujuk kepada semua jenis karya, artikel, buletin, sebarang penulisan dan apa-apa jua penerbitan yang dibuat dalam kapasiti tugas rasmi atau berkaitan dengan kepakaran sebagai seorang staf UiTM.
- 2.6 Justeru itu, Mesyuarat Majlis Eksekutif Universiti (MEU) Bii. 4/2021 pada 27 Januari 2021 telah memutuskan serta bersetuju dengan pelaksanaan proses pendaftaran dan validasi penerbitan di dalam sistem penerbitan UiTM.

3.0 PELAKSANAAN

- 3.1 Semua staf UiTM dikehendaki mendaftarkan penerbitan di dalam sistem penerbitan.
- 3.2 Semua penerbitan perlu didaftarkan sejurus diterbitkan bagi mengelakkan kelewatan proses validasi oleh pihak PTAR.
- 3.3 Proses validasi oleh pihak PTAR adalah dalam tempoh **14** hari bekerja selepas didaftarkan untuk pertama kali di dalam sistem penerbitan ini.
- 3.4 Staf UiTM akan menerima e-mel pemakluman rasmi bagi rekod penerbitan yang telah disemak oleh pihak PTAR untuk tujuan rujukan atau tindakan selanjutnya.
- 3.5 Bagi penerbitan yang diterbitkan dalam tempoh Januari sehingga November pada setiap tahun, ia perlu didaftarkan di dalam sistem penerbitan selewat-lewatnya pada 30 November. **HANYA** penerbitan yang diterbitkan pada bulan Disember dibenarkan untuk didaftar di dalam sistem penerbitan pada bulan Disember untuk divalidasi.
- 3.6 Staf UiTM adalah dinasihatkan supaya tidak mendaftarkan penerbitan pada saat akhir terutamanya semasa proses pengisian MyATP bagi tujuan Laporan Nilai Prestasi Tahunan (LNPT) dan kenaikan pangkat.
- 3.7 Carta alir proses pelaksanaan pendaftaran dan validasi di dalam sistem penerbitan adalah seperti di Lampiran A.

4.0 TARIKH DIKELUARKAN

Pekeliling ini dikeluarkan pada 29 Januari 2021.

5.0 TARIKH KUAT KUASA

Pekeliling ini berkuat kuasa mulai 1 Februari 2021.

6.0 PEMAKAIAN

- 6.1 Pekeliling ini disediakan untuk memaklumkan bahawa proses validasi penerbitan di dalam sistem akan dilaksanakan oleh pihak PTAR.
- 6.2 Pekeliling ini untuk menguatkuasakan supaya staf UiTM mendaftar penerbitan di dalam sistem penerbitan **seawal mungkin** sejurus diterbitkan bagi mengelakkan tertanggungnya proses validasi. Pihak PTAR tidak akan bertanggungjawab sekiranya kelewatan proses validasi berlaku akibat kecuaiannya staf UiTM mendaftarkan penerbitan di dalam sistem.
- 6.3 Sila panjangkan maklumat ini kepada semua pihak berkepentingan di Fakulti/ Pusat Akademik/UiTM Cawangan/PTJ masing-masing.





PROF. EMERITUS DATUK IR. DR. MOHD AZRAAI KASSIM
Naib Canselor

Dikelilingkan Kepada:
Timbalan Naib Canselor (Penyelidikan dan Inovasi))
Semua Rektor UiTM Cawangan
Semua Dekan Fakulti
Semua Ketua Jabatan / Bahagian / Pusat / Unit

Bil. Fail : 100-TNCPI (6/1)
No. Siri : 100-UiTM (NC 6/2) 03

Carta Alir Sistem PRISMa





LAMPIRAN A

